

ხელშეკრულება № 37
სახელმწიფო შესყიდვის შესახებ

28 მარტი 2018 წელი

ქ. ცაგერი
ერთი მხრივ, ცაგერის მუნიციპალიტეტი (შემდგომში – შემსყიდველი), მუნიციპალიტეტის მერის ავთანდილ უგრეხელიძის სახით და მეორეს მხრივ შპს „გზამშენი XXI“ (შემდგომში – მიმწოდებელი), დირექტორის იაშა ახალაძის სახით, ვხელმძღვანელობთ რა საქართველოში მოქმედი კანონმდებლობით, ვდებთ წინამდებარე ხელშეკრულებას შემდეგზე:

1. ხელშეკრულების საგანია

ცაგერის მუნიციპალიტეტის 2018 წლის ბიუჯეტის სახსრებით „მთლიანი ან ნაწილობრივი სამშენებლო სამუშაოები და სამოქალაქო მშენებლობის სამუშაოები“ (კლასიფიკატორის კოდი 45200000) წინამდებარე ხელშეკრულებით გათვალისწინებული პირობების შესაბამისად, ერთეპიანი (აუქციონის გარეშე) ელექტრონული ტენდერის საშუალებით. **NAT180002078**

2. შესყიდვის ობიექტი

2.1. შესყიდვის ობიექტია: ქ.ცაგერში ქუჩების ასფალტირების სამუშაოების შესყიდვა.

3. ხელშეკრულების საერთო ღირებულება

3.1. შესყიდვის ობიექტის ფასი განისაზღვრება ლარებში

3.2. შესყიდვის ობიექტის საერთო ღირებულება შეადგენს **975999** (ცხრაასსამოცდათხუთმეტი ათასცხრაასოთხმოცდაცხრამეტი) ლარს.

4. შესყიდვის ობიექტის ხარისხი და გარანტია

4.1. მიმწოდებელი იძლევა გარანტიას, რომ შესრულებული სამუშაოების სრულფასოვანი ფუნქციონირების საგარანტიო ვადა განისაზღვრება: ბეტონის სამუშაოები - 5 წელი, ასფალტ-ბეტონის სამუშაოები - 3 წელი; სხვა დანარჩენი სამუშაოები - 2 წელი მიღება-ჩაბარების აქტის გაფორმების, რომლის განმავლობაშიც მიმწოდებელი ვალდებულია საკუთარი ხარჯებით უზრუნველყოს ექსპლუატაციის პროცესში წარმოქმნილი ხარვეზების აღმოფხვრა, გარდა იმ შემთხვევებისა როცა ხარვეზები მიღებულია მიმწოდებლისგან დამოუკიდებელი მიზეზების გამო.

5. შესყიდვის ობიექტის მიწოდების ვადები, ადგილი და პირობები

5.1. შესყიდვის ობიექტის მიწოდების ვადა განისაზღვრება 2018 წლის 1 აპრილიდან 31 აგვისტოს ჩათვლით.

5.2. შესყიდვის ობიექტის მიწოდების ადგილია: ქ.ცაგერი: ახვლედიანის; ისიანის; სტადიონის და წერეთლის ქუჩები.

5.3. შესყიდვის ობიექტის მიწოდების პარალელურად, მიმწოდებელი ვალდებულია უზრუნველყოს თანმხლები დოკუმენტაციის წარდგენა შემსყიდველისათვის (საგადასახადო ანგარიშფაქტურა).

6. შესყიდვის ობიექტის მიღება-ჩაბარების წესი

6.1. შესყიდვის ობიექტის მიღება ფორმდება მიღება-ჩაბარების აქტით, რომელიც დადასტურდება შემსყიდველისა და მიმწოდებლის მიერ საამისოდ უფლებამოსილი წარმომადგენლების ხელმოწერებით.

6.2. ეტაპობრივი მიღება-ჩაბარება მოხდება „მიმწოდებლის“ მიერ წარმოდგენილი ფორმა N2-ის, შესაბამისი ანგარიშფაქტურის, შუალედური მიღება-ჩაბარების აქტის და ექსპერტის მიერ გაცემული დასკვნის საფუძველზე. ექსპერტი უნდა იყოს „სსიპ - ლევან სამხარაულის სახელობის სასამართლო ექსპერტიზის ეროვნული ბიურო ან სხვა აკრედიტებული პირი“. ყოველი თვის ბოლოს წარმოდგენილი უნდა იყოს ფორმა N2-ი შესაბამისი ექსპერტიზის დასკვნით. ექსპერტიზის დასკვნის გარეშე ფორმა N2-ი განხილული არ იქნება. ექსპერტიზის ხარჯებს უზრუნველყოფს „მიმწოდებელი“.

6.3. საბოლოო მიღება-ჩაბარება მოხდება მიმწოდებლის მიერ წარმოდგენილი ფორმა N2-ის, შესაბამისი ანგარიშფაქტურის, მიღება-ჩაბარების აქტისა და ექსპერტის მიერ გაცემული დასკვნის საფუძველზე. ექსპერტი უნდა იყოს „სსიპ - ლევან სამხარაულის სახელობის სასამართლო ექსპერტიზის ეროვნული ბიურო ან სხვა აკრედიტებული პირი“. ექსპერტიზის ხარჯებს უზრუნველყოფს „მიმწოდებელი“.

7. ანგარიშსწორების ფორმა, გრაფიკი (ჯაგები) და აღგილი

7.1. მიმწოდებელთან ანგარიშსწორება განხორციელდება უნაღდო ანგარიშსწორებით.

7.2. შესყიდვის ობიექტის ღირებულების ანაზღაურება მოხდება ეროვნულ ვალუტაში.

7.3. ანგარიშსწორება შემსყიდველის მიერ მოხდება შესყიდვის ობიექტის მიწოდებისა და წინამდებარე ხელშეკრულების 5.3. მუხლში მითითებული დოკუმენტაციის წარმოდგენის შემდეგ არაუმეტეს 10 (ათი) სამუშაო დღის ვადაში.

7.4. წინასწარი ანგარიშსწორება შესაძლებელია განხორციელდეს ხელშეკრულებით გათვალისწინებული თანხის არაუმეტეს 5 % ოდენობით. „მიმწოდებლის“ მიერ წარმოდგენილი ლიცენზირებული საბანკო დაწესებულების მიერ გაცემული ავანსის იდენტური ოდენობის საბანკო გარანტიის საფუძველზე. საბანკო გარანტიის მოქმედების ვადა 30 (ოცდაათი) კალენდარული დღით უნდა აღემატებოდეს ხელშეკრულების მოქმედების ვადას. ყოველი წარმოდგენილი ფორმა N2-ს ჩამოეჭრება სამუშაოს ღირებულების 30% ავანსის ასანაზღაურებლად, დანარჩენი 70% აუნაზღაურდება მიმწოდებელს.

პროცესი გაგრძელდება საავანსო თანხის სრულად ამოწურვამდე. შემდეგ სრულად ანაზღაურდება ფორმა N 2-ით წარმოდგენილი შესრულებული სამუშაოების ღირებულება, გარდა ამავე ხელშეკრულების 7.6. პუნქტში მითითებული თანხის დაკავებისა. „მიმწოდებელი“ არ არის უფლებამოსილი „შემსყიდველს“ წარუდგინოს წერილობითი თხოვნა ავანსის გადახდის თაობაზე, თუ იგი რეგისტრირებულია მოვალეთა რეესტრში, მის მიმართ რეგისტრირებულია საგადასახადო გირავნობა ან ყადაღა მიმწოდებელი ვალდებულია შემსყიდველს წარუდგინოს შესაბამისი დოკუმენტები, რომლითაც დასტურდება მის მიმართ ამ პუნქტში განსაზღვრული ვალდებულებების რეგისტრაციის არარსებობა.

7.5. შუალედური ანგარიშსწორება მოხდება მიმწოდებლის მიერ წარმოდგენილი ფორმა N2-ის, შესაბამისი ანგარიშგაქტურის, მიღება-ჩაბარების აქტის და ექსპერტიზის დასკვნის საფუძველზე არა უგვიანეს 10 სამუშაო დღის ვადაში.

7.6. მიწოდებული სამუშაოს ღირებულებიდან განხორციელდება შესრულებული სამუშაოს ღირებულების 2 %-ის დაკავება სამუშაოს ხარისხის დაცვის უზრუნველსაყოფად. დაკავებული თანხის დაბრუნება განხორციელდება საგარანტიო ვადის (365 კალენდარული დღე) დასრულებისა და დეფექტების პასუხისმგებლობის პერიოდში დეფექტების არარსებობის შესახებ სპეციალური კომისიის მიერ შედგენილი აქტის საფუძველზე.

7.7. სამუშაოს საბოლოო ანაზღაურება მოხდება ფორმა N2-ის, შესაბამისი ანგარიშგაქტურის, მიღება-ჩაბარების აქტის და ექსპერტის მიერ გაცემული დასკვნის საფუძველზე. ექსპერტი უნდა იყოს „სსიპ - ლევან სამხარაულის სახელობის სასამართლო ექსპერტიზის ეროვნული ბიურო ან სხვა აკრედიტებული პირი“. ექსპერტიზის ხარჯებს უზრუნველყოფს „მიმწოდებელი“

8. მხარეთა უფლება-მოვალეობანი

8.1. შემსყიდველს უფლება აქვს:

- შეამოწმოს შესყიდვის ობიექტის ხარისხის შესაბამისობა ხელშეკრულებით გათვალისწინებულ პირობებთან.

8.2. შემსყიდველი ვალდებულია:

- მოახდინოს ანგარიშსწორება მიმწოდებელთან ხელშეკრულებით გათვალისწინებული პირობების შესაბამისად;

- უზრუნველყოს შესყიდვის ობიექტის მიღება.

8.3. მიმწოდებელს უფლება აქვს:

- მოსთხოვოს შემსყიდველს შესყიდვის ობიექტის ღირებულების ანაზღაურება ხელშეკრულებით გათვალისწინებული პირობებით.

8.4. მიმწოდებელი ვალდებულია:

- მიაწოდოს შემსყიდველს ხელშეკრულებით გათვალისწინებული შესყიდვის ობიექტი 2018 წლის 01 აპრილიდან 2018 წლის 31 აგვისტოს ჩათვლით.

- დაიცვას ხელშეკრულებით გათვალისწინებული ყველა პირობა.

9. ხელშეკრულების შესრულების უზრუნველყოფის გარანტია

9.1. გამოიყენება გარანტია ხელშეკრულების შესრულების უზრუნველყოფის მიზნით, რომელიც თან დაერთვება ხელშეკრულებას, როგორც მისი განუყოფელი ნაწილი და რომელიც 60 (სამოცი) დღით უნდა აღემატებოდეს ხელშეკრულების მოქმედების ვადას;

9.2. ხელშეკრულების შესრულების მიზნით, „მიმწოდებელი“-ს მიერ წარმოდგენილი ხელშეკრულების ღირებულების 5%-ის ოდენობით საბანკო გარანტია გამოიყენება ნებისმიერი ზარალის ანაზღაურების მიზნით, რომელიც მიადგება „შემსყიდველს“ „მიმწოდებლის“ მიერ ხელშეკრულების პირობების შეუსრულებლობის ან არასათანადო შესრულების გამო;

10. მხარეთა პასუხისმგებლობა ხელშეკრულების დარღვევისას

10.1. მხარეების მიერ ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.

10.2. თუ ხელშეკრულების რომელიმე მხარე დაარღვევს წინამდებარე ხელშეკრულებიდან გამომდინარე ვალდებულებას, მაშინ ხელშეკრულების მეორე მხარეს შეუძლია მოითხოვოს ხელშეკრულებიდან გასვლა ვალდებულების შესრულებისათვის მის მიერ დამატებით განსაზღვრული ვადის უშუალოდ გასვლის შემდეგ (დამატებითი ვადის განსაზღვრისათვის გამოიყენება წერილობითი ფორმა). თუ ვალდებულების ხასიათიდან გამომდინარე შეუძლებელია გამოყენებულ იქნას დამატებითი ვადა, მაშინ დამატებითი ვადის განსაზღვრას უთანაბრდება გაფრთხილება.

10.3. ხელშეკრულებიდან გასვლისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.

10.4. ხელშეკრულებიდან გასვლასთან და ზიანის ანაზღაურებასთან დაკავშირებით შესაბამისად გამოიყენება საქართველოს სამოქალაქო კოდექსი.

10.5. მიმწოდებელი ვალდებულია სამუშაოები აწარმოოს ყოველკვირეული კალენდარული გრაფიკის შესაბამისად. კალენდარული გრაფიკის დარღვევის შემთხვევაში მიმწოდებელი ყოველ ვადაგადაცილებულ დღეზე დაჯარიმდება მიმდინარე პერიოდში (შესაბამისი თვე) კალენდარული გრაფიკით გათვალისწინებული ღირებულების 0,02 %-ის ოდენობით.

10.6. ხელშეკრულებით გათვალისწინებული ვალდებულების შეუსრულებლობის შემთხვევაში საჯარიმო სანქციები განისაზღვროს ხელშეკრულების საერთო ღირებულების 20%-ის ოდენობით, ვალდებულების ნაწილობრივ შეუსრულებლობისათვის ხელშეკრულების ნარჩენი ღირებულების 10%-ით, ყოველ ვადაგადაცილებულ დღეზე ხელშეკრულების საერთო ღირებულების 0,02%-ის ოდენობით.

10.7. თუ ვადაგადაცილებული დღეების საჯარიმო სანქციებმა შეადგინა სახელშეკრულებო ღირებულების 1%, შემსყიდველი იტოვებს უფლებას ცალმხრივად შეწყვიტოს ხელშეკრულება.

10.8. საჯარიმო სანქციების წარმოშობის შემთხვევაში შესაძლებელია საჯარიმო თანხების გადახდა მოხდეს ურთიერთშეთანხმების საფუძველზე ჩათვლის მეთოდით.

11 ხელშეკრულების მოქმედების ვადა

11.1. ხელშეკრულების მოქმედების ვადა განისაზღვრება ხელშეკრულების ხელმოწერის დღიდან 2018 წლის 31 დეკემბრამდე გარდა ამავე ხელშეკრულების 4.1 პუნქტისა.

11.2. 4.1 პუნქტი მოქმედებს ხელშეკრულების გაფორმებიდან ამავე პუნქტის ვადით.

12. ხელშეკრულების პირობების გადასინჯვის შესაძლებლობა

12.1. წინამდებარე ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

13. ფორს-მაჟორი

13.1. მხარეები არ არიან პასუხისმგებელი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწვეს შესაბამისი დროით, გარემოებათა დასრულების შემდეგ.

13.2. მხარეები შეექმნა ფორს-მაჟორული გარემოება დაუყოვნებლივ აცნობებს ამის შესახებ მეორე მხარეს.

14. დავები და მათი გადაწყვეტის წესი

14.1. ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა, შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

14.2. შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობის შესაბამისად.

15. ხელშეკრულების ინსპექტირების პირობები

15.1. შემსყიდველი უფლებამოსილია შესყიდვის ობიექტის მიწოდების პარალელურად განახორციელოს შემოწმება, რომლის მიზანია შესყიდვის ობიექტის შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.

15.2. ხელშეკრულების ინსპექტირებას შემსყიდველის მხრიდან განახორციელებს შპს „ექსპერტიზა, მშენებლობა, დიზაინის“ წარმომადგენლები: დავით რევიშვილი, სოლომონ ბურჯალიანი. ცაგერის მუნიციპალიტეტის მერიის ზედამხედველობის სამსახური.

15.3. შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით აცნობებს მიმწოდებელს წუნდების მიზეზების მითითებით.

15.4. გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით.

16. სხვა პირობები

16.1 მხარეები აუნაზღაურებენ ერთმანეთს მიყენებულ ზარალს საქართველოს კანონმდებლობის შესაბამისად.

16.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

16.3. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

16.4. ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

16.5. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

17. მხარეთა იურიდიული მისამართები და რეკვიზიტები

შემსყიდველი:

ცაგერის მუნიციპალიტეტი

მისამართი
რუსთაველის ქუჩა №64
სახელმწიფო ხაზინა

ბ.კ.TRESGE22
სახაზინო კოდი: 707017021
ს/კოდი: 242 574 460

მიმწოდებელი:

შპს „გზამშენი XXI“

მისამართი
ქ.ქუთაისი, ნინოშვილის ქ. №59ა
მომსახურე ბანკი: სს"VTB ბანკი ჯორჯია"
ბანკის კოდი: UGEBGE22
ა/ა № GE09VT0500000003573605
ს/კოდი 212709498

18. მხარეთა ხელმოწერები

ცაგერის მუნიციპალიტეტის
მერიის ავთანდილ უგრეხელიძე



შპს „გზამშენი XXI“ -ს
დირექტორი: იაშა ახალაძე

